

黃縣
鄭氏家譜

文行出版社印行

鄭恆萃編輯
鄭延強採訪

黃縣
鄭氏家譜

黃縣鄭氏家譜

採訪者 鄭延強 編輯 鄭恆萃

24K: 76面 21.5公分

公元一九九五年二月

台北文行出版社出版

非
賣
品

黃縣鄭氏家譜 全一冊

採訪者 鄭延強

編輯者 鄭恆萃

出版者 文行出版社

通訊處 台北郵政三〇附四七〇信箱

承印者 龍岡印刷公司

電話 三二三四一二二二

續修黃縣鄭氏家譜弁言

史記鄭世家，鄭本周之西都畿內地，周宣王封季弟友（桓公）於此（在陝西省華州境），其後犬戎殺周幽王，桓公死之。桓公之子武公，名掘突，定平王於東都，因徙封舊號於新鄭，是爲春秋鄭國（河南省開封府滎陽縣），戰國時爲韓所滅。又元和姓纂云：鄭氏系出姬姓，鄭既爲韓所滅，而其子孫遷移於陳宋間（即蘇魯豫皖邊區——商丘、亳州一帶），以國爲氏也。

秦漢及唐宋以來，鄭氏代有達人，世系失考，而始遷黃縣之祖，鄭將軍，逸其名（亦云諱毅），原籍湖廣省荊州府江陵縣，元末奉詔東征，未及殄寇，而元祚已終，引首自刎，不失臣節。生四子，爾後三子戍邊，不知所終；其季子文秀，因足疾免遣，遂入籍而家焉。迄今歷時六百餘年，子孫繁衍已傳至廿五世矣！

黃縣鄭氏家譜，第二世文秀祖生清、清生希友，而希友生三子——敏、

海、愷，爲第五世，分三大支，鄉城廟、南鄉城、鄭家溝、確兒鄭家、鄭家莊子，皆敏祖派；北宿鄭家、南鄭家莊、龍化村、諸高爐、廟臺上、東關：：皆海祖派；至於遷蓬萊者，因其先世失考，或謂係愷祖支派，錄之存疑。總譜修於道光咸豐間，龍化支譜，曾續修於民國初年，昔賢謂家譜十年一小修，六十年一大修，惟以外侮內患頻仍，族人散處各方，而舊有譜牒，迭遭秦火，續修不易。且余幼失怙恃，幸賴外祖父母撫養，稍長則亡命海嶠四十年。書劍兩不成，而修輯家譜之事，心餘力絀而已。

歲次己巳之秋，余回鄉探親，則廬墓爲墟，親長俱逝，同輩倖存者數人，亦多謀食外地，不禁黯然久之；而居鄉之後輩，咸能勤勞務實，卓然有成，聊以爲慰。族侄延強持來「鄭氏家譜」一卷，係其親手抄錄本，藏於魯壁。雖屬殘簡，誠爲吉光片羽，彌足珍貴。展誦之餘，倍感親切。遂命其續輯龍化一支，竟能慷慨任勞，周咨博訪，費時數載，斐然成帙。實爲時人所難能，乃祖宗之功臣也。遂即整理付諸剞劂，不僅發揚先澤之潛德幽光，亦可啓迪後昆之木本水源，油然而生孝悌之心；甚盼宗親好義

者，續修全譜，期能珠聯璧合，遠紹清芬，當更爲圓滿矣！爰弁數言，用以不忘延強之功，而誌余私衷之喜云爾。

公元一九九五年歲次乙亥冬月 湖北省江陵縣徙居山東黃縣（龍口市）第廿二世女孫鄭恒萃謹識於台北。

鄭氏譜序

從來世系之傳，尊卑宜明，祖派之分，位次須定。龍化鄭氏舊譜，所載名次，分曉無訛，但因族大丁多，不能勝載。自始祖故鄭將軍、載至以可名、以自名、以九名者，外無餘地，以此三者命名，原係等輩，今閭族共議，重修新譜，自此輩之後，以有名、以其名、以守名者之輩起，按派分位，毫無錯訛。至於重修樓板，亦深望於後之讀書者焉。

時咸豐三年歲次癸丑仲春閭族公修。

山東黃縣鄭氏總譜序

鄭本伯爵，姬姓國，肇封於周，宣王之母弟友也。賜食采於咸，今陝西省華州之鄭縣；後得號檜之地，徙國滎陽，居溱洧之間，是爲新鄭，屬開封即鄭州。後世子孫，因以國爲姓，謂爲天下無二鄭可也。

秦漢而降，累世亢宗，箋詩注禮之彥，金章紫綬之榮，指不勝屈，但世系失傳，宗派無考；以承名者，諸高爐以維、名者之父輩，皆兄弟行。諸村各支譜，可爲添改聯絡。總之，皆我將軍後之人。

清生希友，希友生敏、海、愷，共分三大支；鄭家溝，皆敏祖派中。北宿鄭家、龍化、諸高爐、東關、注裡、鄭家莊，皆海祖派中。愷祖后嗣失考。南鄉城譜，似爲遷居蓬萊，亦或然爾。

道光二十七年六月初三日後裔孫鄭 亨盥手敬序

族譜凡例

一、總譜內第五世共分三祖，分二大派，長敏、次海、三愷，除愷祖一派，遠走失傳，餘皆敏、海兩祖之后裔，其接續分明者，則自始祖以次爲序，至分支處止，注明以下入某處譜，其失考者，則從缺，不敢強爲之說。

一、譜內所載，凡十餘村，曰鄉城廟、曰南鄉城、曰鄭家溝、曰確兒徐家、曰鄭家莊子，皆敏祖派；曰北宿鄭家、曰南鄭家莊子、曰龍化、曰諸高爐、曰廟台上、曰東關，皆海祖派。

一、每支之譜，開端先書地名，曰某處一支，次書某派村名，其零星散居各村者，則附於其本支譜來注明。

一、譜內凡不知其父爲誰者，則書以上失考，不知其子爲誰者，則書以下失考。及無子而旁繼者，則書其嗣、或某繼，凡出繼者，在上層則書某嗣子、某第幾子，在下二層則但書某第幾子。有不知其父何人者，則書不知所自出以闕之。凡贅養入嗣而隨鄭姓者，則書養子贅某以別之，以下不

載。別人贅養派，附於各派之末，以昭內外異同之辨。

一、各圖譜內妻之姓氏，注明於本夫之下，有繼室者平書之，右先左後，妾則接書於妻氏之下，曰側室某氏，以昭尊卑之序，其不知姓名者，但書氏以闕之，惟總譜內、各加配字，餘概從原文，直書某氏。

一、每支族譜一冊，先序總譜，次序各支之首三世，以下不載，注明以下詳某譜。末序本支自某譜起，以次序而下。

一、道光三十年，修北宿譜世系圖，每幅上下三層，從看自上而下，各以豎書聯之，所以昭父子接續，橫看自右而左，注明行幾，各以橫書聯之，所以判兄弟之後先。今一仍此式。

一、譜中失考者，各支世系不齊，今各酌世數之多寡，倣族影書像之式，每世橫排之，自右而左，上下五層，其接續分明者，各爲世系圖可考者，庶兩無所失，考辨存參。

一、鄭家溝譜，自子玠、子瑗二祖起，子瑗之子，曰端，係河南主簿，鄉城廟譜有瑗無玠，瑗第名瑗、無子字，其子行亦有端，亦注明河南主簿；按縣

志人物門，有鄭端、河南主簿，注以爲瑄之子，不云子瑄，則兩譜之端，爲一人無疑，即瑄與子瑄，亦爲一人無疑；則子或爲衍字耳。鄉城廟譜，敏祖之子，有瑄、璞、瑄、璟，則玠亦當單名玠，無子字，觀其命名之俱從玉旁，其亦敏祖之子，與瑄兄弟同遷者歟！但長幼有序，按鄭家溝譜，玠長於瑄，其與瑄、璞，則無所考矣！今鄉城廟譜，仍作子玠、子瑄，一遵其舊。鄉城廟譜第八世紀祖，與應舉等在一行，而北宿有備存一紙，不知幾何年代，殘缺者三分之二矣！細審之，則鄉城廟譜也。就其可辨識者觀之，鑾生二子、長子紀、次子約，紀任山西靜樂縣訓導，生七子、絕六支，其第七子生國仲，國仲生永貴、永福。次子約、生應舉係壽官，應舉生長子印，次子缺名，印任博興縣訓導，陞膠州學正，生三子、長、次缺名，三子雲從，雲從生繼緩，其殘缺之甚者，僅餘縣主簿及通判字樣耳。據此則紀係應舉輩之父行，以應名者，則應舉等當爲第九世也。確兒徐家譜有永福無永貴，並無其父國仲，且無雲從、繼緩，是永福之上，尚缺一代，印之下，尚缺兩代也。南城鄉譜，以印爲薄之子，據此則印爲應舉之

子。縣志注，以印爲紀之孫，據此實爲約之孫也。此紙所載，世次分明，恐縣志不如家乘之足憑也。鄉城廟譜與縣志兩誤乎！然而不敢遽爲改正；惟紀與應舉，謹別之爲兩代焉。

一、鄉城廟譜第七世有旺祖，注封徵士郎。北宿譜中，此代亦有旺祖，孫係成化間歲貢、昇祖之父，昇任山寧衛經歷，旺以子貴，封徵仕郎，至今誥命尚藏於家，係弘治十一年封。茲二譜所載旺祖，爲一人乎？兩人乎？若係一人，則當北宿譜爲是。東關一支，亦海祖派中，德財祖派也。由龍化之初家嶺，遷居邑北門祖，亂失其宗譜，後由北門徙居東關，其上與龍化譜相接處，已不可考；故與北支，彼此相稱，尊卑之序亦失傳，今序譜就現在可考者，自應科祖起。

一、諸高爐一支，亦海祖派中，德財祖派也，自元瑞祖由龍化遷居諸高爐，後復有自諸高爐遷居廟台上者，則爲文明祖。龍化譜第二世福有、福寬二祖，而第三世即有福名者，第四世且有福增、福雲，第五世有得春得友、得水、得龍、得仁、朝真，而第六世有朝名者若干人，以得名者若干人？

亦非世數相去甚遠，不應該如此、父子祖孫相犯，恐有舛誤，不敢強爲之說。南鄉城譜，自義高祖起，序文謂以上失考。新增另有廷錦一支。今與瑄、璞、瑤、璟爲兄弟亦難稽考，併存之。

鄭將軍墓

墓在今南鄉城鎮，按即舊志，士鄉城東南數十武，並有祠一，其名字里居，舊志均無載（按：同治志——人物志、忠烈——參閱鄭將軍傳），南鄉城鄭姓爲其遺族。按鄭將軍係元將名毅，駐鎮黃縣，見鄭氏譜書，據故老傳聞，元亡，徐中山王達，分檄諭降，鄭覆書謂，有斷頭將軍無降將軍，遂自刎，後人因稱爲斷頭將軍。

（節錄民國黃縣志卷二，第卅九頁——李鍾豫修、張殿邦纂——民國廿五年印行）

始祖逸名記

始祖故元將軍也，順帝至正末，奉詔東征，未及殄寇，明太祖已龍飛金陵，我先將軍悲憤不食，泣三日夜，西向再拜曰：孤軍無援，臣力竭矣！乃顧謂諸子曰：吾身受國恩，義不能臣事二姓，生爲元臣，後爲元鬼，所以上報國家者，祇有一死耳。汝等敬聽之，吾生不能保全社稷，死後不得存名人間，宗室拓族譜，即書故元將軍也。毋違吾命，吾目瞑矣！明中山王徐達，遣使封刃招之，乃刎頸自盡。死後數夜紅光燭天，其血濺地，沙土皆紅，士人哀其節而慕其義，立祠而俎豆香火之，號曰：紅沙將軍廟，座落鄉城西，後三子戍邊，季子文秀，遂隸黃籍。先祖德源，文秀之玄孫，是將軍之六代也。

鄭將軍傳

節錄同治黃縣志

鄭將軍逸其名，秉性忠烈，元祚已終，不失臣節，率眾屯於士鄉城，明中山王徐達，遣使封刃招之，鄭引首就刃，死之處，有赤沙數尺，相傳頸血所濺也。鄉人感慕、爲之立祠焉。

在鄉城西，有故元鄭將軍祠，祠僅一楹，地微高若埠，相傳即其殉節處。書像在壁，年約四十餘，面微赤無鬚、戎裝，左右士侍立，生氣勃勃，入廟者，履其地空洞有聲，或以爲其魂在下。

按昔書像，今則塑像，昔一楹，今則三楹，蓋慕義者多，國朝乾隆年間，里人重葺而新之也。則傳說之訛，身首實葬於墓，在向南微偏東，相去里許，有古碑一座，每年二月一日，爲村人入廟賽神之期，香火極盛，每年如此。

節孝傳

節錄同治黃縣志

士鄉城鄭敏妻邢氏，年廿七歲，敏死，第四子、環，方兩月餘，舅姑又亡，氏自誓撫諸孤成立，長子瑄爲清河主簿，氏年八十歲，猶享祿養，已經旌表。

正德間歲貢、辰州府照磨，鄭鑾之妻孫氏，其翁瑄，年九旬餘，衰老不能任盥櫛，氏朝夕奉養惟謹，每飯必躬進羹饌，翁一日自知將終，呼鑾曰：扶我拜謝天地祖宗，我將返其真。拜畢，將易簀，流涕曰：我死後九原之下，不忘此孝婦。反席未安而卒。